

**Cantic.****Var ton guers Catel gollet**

Tostait ama plabenneguis  
 Clevet ar c'helou meurbet tris(t)  
 En noz eo laeret o person  
 Gant tud cruel a direzon

En trede var- nuguent a vis c'hevreur  
 Eo bet quemeret o pastor  
 Gant eur vanden tud arrajet  
 Clubou an ifern dirollet

Kris e vije ar galon na vouelje  
 Er prisbital nep a vije  
 O clevet ar c'hri ac ar gouelvan  
 Dirollet eo ar bleizi var an oan

O va doue pebes glac'har  
 Quemeret eo evit criminal  
 Abalamour men devezus prezeguet  
 Aviel Jesus de auditoret

Dan anter nos neves sounet  
 Er prisbital e zint antreet  
 Scoet o deus an oll doriou  
 En noas ganto edo o armou

Squei a reant creen var an or  
 Abers ar Roue o c'houlen digor  
 Ac astit buan na dardit quet  
 Rac beza on eus affer bresset

Ar plac'h pe devezus o c'hlevet  
 Gant spont e devezus goulennet  
 Piou zo aze d'ar poent ma 'n nos  
 E maomp dija pell so o repos

An dirantet a oa presset  
 Evel ma voant espionnet  
 A parlante rust a c'huero  
 ma na zigorit ni a dorro

An aotrou Gestin a glascomp  
 Parlant gantan prest a rencomp  
 Bessa on eus gantan affer bresset  
 Da Sant Paol Leon e renq donet

Ar plac'h dan eac'h prest a savas  
 En eur vouela a lavaras  
 Aotrou, savit deut a lesse  
 Mar guellit saveteit o pues

.... e zeus deuet bourc'hisien  
 Ar gallec ne barlantont quen  
 Credi a ran a feis parfet  
 N'int deut nemet do quemeret

Cessit Mac'harit da vouela  
 Arruout *a die* quemena  
 Nemeus quiet reposit het an nos  
 Edon pell so oud o gortos

Disquen a reas buan d'an or  
 D'ho saludi gant peb enor  
 Gant joa en deus o recevet  
 Evel e vrassa mignonet

Antreit, tud gentil, antreit er sal  
 Ma serrin an or ma rac-dal  
 Evit brema me oc'h assur, o  
 Eus o pues me respounto

Ma clefe tud va farres certain  
 E ve-me sesisset e vellen  
 Moc'h assure evit certain  
 E chomfe o pues var an dachen

An aotrou person pa voant antreet  
 D'e c'hoar Mari en deus lavaret  
 Digassit ama pe a dra  
 Dan dud gentil ma da efa

Ac ive peadra da zibri  
 Poent bras eo dezo dijuni

E maïnt pell zo oc'h ober rout  
O c'haloun dezo a elfe manquout

An dud man o deus respontet  
Ni non eus effer a dra e bet  
Na da zibri na da efa  
Poent bras eo deomp partia

E c'hoar Mari pe deus clevet  
E ranquent partia var ar moment  
Dan daoulin pront en em strincas  
Da c'houlen graç de breur queas

Mes ar rema quen arrajet  
No doa na pardoun na graç ebet  
Partial a bars an deï  
En aoun da goll o freï

A bars sortial demeus an ti  
E lavaras d'e c'hoar Mari :  
Tavit va c'hoar na voëlit quet  
Me zui eb dale d'ho guelet

Va gourc'hemennou d'a(m) mam gueas  
Sur e vezo glac'haret bras  
A zo e chom e Sant-Divi  
Pedit Doue de c'honsoli

Eb amser den em habilla  
Var an eur e renq partia  
En e jupen e voant crapet  
Var an hent bras e oue cunduet

Eno edont oc'h e c'hortos  
An dud barbar gant o c'harros  
Ebars e oue plantet buan  
Ac a c'hano evel an tan

Pa edo o passeal an hent bras  
Dioc'h ar groas e quiniadas  
Adieu deoch-u croas ar mission  
Me a meus glac'har em c'halon

Adieu pobl queis a blabennec  
 Me a meus deoch-u preseguet  
 Dalc'het mad atao d'ar c'homsou  
 O c'heus clevet eus va guinou

Plabenneguis c'hui a voelo  
 En oc'h ilis a var e zro  
 Ispicial e benitantet  
 Er guellint mui e tro-z veret

D'ar sul pa zeot en ilis  
 Pebes glac'har plabenneguis  
 Pa na vellet mui o person  
 Peini a gariac'h a vir galon

Considerit pebes glac'har  
 Pa sellot oc'h e dribunal  
 E leac'h ma veze gant dousder  
 E selaou e benitantet quer

Pa sellot oud ar gador sarmon  
 Pebes glac'har en o calon  
 Eno e pigne alies  
 Da annonç deoc'h ar viriones

Emaomp e ren er pempet blaves  
 Mor boa ar joa en on toues  
 Da gaout tensor ar mission  
 Obtenet deomp gant or person

Ni er(1) boa sur er person mad  
 Santel meurbet ac egarat  
 A breman er guelomp exilet  
 Ivit rei plaç d'an treus plantet

Evel or salver eo traïset  
 Gant eul loden eus e zenvet  
 Ne fell quet deomp o discleria  
 Mes ar c'hontre int ar re ma.

(1) Ms : er ; lire :or. Dans le même vers, er = eur.